







永樂間建文時諸臣得罪甚慘至數年後始有寬宥之諭然宗親存者寡矣列聖以來雖經赦除未有褒錄迨隆慶末年始有表揚卹錄之典真可慰既往之忠魂屬將來之臣節聖明天子義聲無弱矣

王世貞乞 賜忠臣祠額以勵士風疏

題臣據高陽府申據南陽縣知縣程遜申稱奉隆慶六年 詔書內一款革除間被罪諸臣忠於所事甘陷刑戮有死無二皆我 太祖高皇帝所儲養忠臣義士我 成祖文皇帝當時亦有練子寧若在朕猶當用之之語是諸臣罪雖不赦心實可原朕今仰遵我 聖祖遺意褒表忠寬激厲臣節詔書到日各地方有司官查諸臣生長鄉邑或特為建祠或即附本處名賢忠節祠歲時以禮致祭其墳墓苗裔儻有存者厚加卹錄欽此查有本府鄧州籍兵部尚書鐵鉉

二公千載偉
人故堪映耀

建文二年李

景隆駐往州

公以山東叅

政督餉軍與

不乏清難兵

團濟南公悉

禦令軍

開城

皇

文

不克舍之南

去公又犒問

軍中辛苦激

係革除殉節名臣於明例應合祠祀又查得唐忠
臣贈楊州大都督張巡據唐書及本省通志俱稱係
南陽府南陽縣人原籍向未有祠於萬曆元年五月
內具申本府轉呈提學道及分守汝南道轉呈撫按
衙門詳允建立祠堂一所春秋祭祀二臣緣未請
有祠額及載在祀典等因臣查得大明會典合祀
神祇條內於歸德協忠廟祀故唐臣張巡許遠配以
雷范姚賈四臣又以海寧爲許遠鄉邑復建有許侯
祠竊謂國家於忠臣節烈士旌不遺遠祀不憚
煩蓋上合先聖大書特書之旨下誨後世從一不二

發忠義未幾
又有東陽之
提進兵部尚
書小河之捷
中原震動
文皇幾欲北
還迨 文皇
登極公尚擁
殘兵駐淮南
已而被擒不
屈令一顧終
不可得割其
耳鼻意不肯
顧碎其体
至死罵不絕
聲

之臣甚深且渥也。張巡之守睢陽功在東南而義塞
天地死在一時而生烈萬古雖氓叟婦孺亦能加額
誦歎不休其視許遠事同節倍在當時固已有定論
矣。遠得專祠海寧而巡獨缺祀南陽此有司失於討
論之故也。至於鐵鉉之死事比之壬午諸臣尤烈蓋
內無削弱諸侯之首禍而外有保障山東之巨勲抗
節踰於劉沈矢志堅於君素用以配巡真無愧色今
據該府建祠鐵鉉於 詔例雖合而張巡尚未奉有
明旨臣愚不勝仰止一念據實 上請伏乞 敕下
禮部查果無異 特賜祠額 頒降祭文一道有司

春秋舉祀不絕俟纂修會典之日一併收入庶有以
慰○既○往○之○忠○魂○肅○將○來○之○臣○軌○其○於○
補○聖○化○似○亦○有○

張以忠曰張睢陽與鐵鼎石事均有保障功勛均有
殉主大節蓋殺身成仁千古同符者疏中
褒揚兩公處俊邁崢嶸令人感奮真有補
聖化之文

親征考序

此叙深感成

祖宣宗二事

欲後世聖子

神孫鑑前轍

而重戒行不

可易視醜虜

而輕以萬乘

委之也定有

深慮不獨文

章之妙

引成周示以

可法引漢唐

示以可戒至

國朝則又引

高祖成祖宣

宗已事以隱

寓法戒之意

旨深慮遠

古者司馬掌邦政以平夷寇亂。雖其文曰張皇六師。然豈必天子在行而後謂之武哉。戎衣一著於牧野之誓。卽倒載而包以虎皮。示弗復用。是故垂旒於柔屐。而天下蓋謐如也。漢高滅秦。蹙項芟薶羣雄。而帝之竟不能自戢。逞其餘以與匪茹。角七日不食。不能穀弩。平城之歌。天下悲焉。唐文以百勝之智。擁億麗之大衆。而不能得志於小虜。安市之役。幾以身爲餌。噫嘻。亦危矣哉。我高皇帝固已深燭其故。彭蠡之後。不復親駕。大將拜籌於受賑之頃。而九有茅靡於

祖宗開創遠猷苦心如揭

爲人子爲人臣胡可頃刻忘此

深省

賜履之下。王者無敵。夫豈欺我。皇帝斬神鼇之足。而立北極。與虜牙角。躬啓六飛。爲吏士先。夫豈遠慕雄略。而近遺廟算哉。夫亦鑒弟子之興尸。且爲萬世深長計也。然而披堅馳輕。冒犯霜露。以媒叵測北望。而抱遺弓之痛。至今猶若新矣。宣宗神武。將強士良。而從事屬國之辱。夷若山壓卵。然使闔振押之。而輕以萬乘委敵。卽令氊裘攝魄。紫蓋還洛。而蒙塵之辱畢世。莫可洗矣。三改代而狃不知戒。輕從中貴惡少。編虎鬚而幸脫於其吻。胡可再恃也。語云。千金之子。坐不垂堂。夫人主之價。寧值千金。據九重之沈沈。

親征事蹟之
得失詳載攷
中

而尚不能忘戒心。今率然而臨廣莫，寄命鋒刃，其殆
寧獨垂堂哉？故曰：白龍魚服，豫且制之。因略紀其事。
自高逮武，凡五世而出塞者六，平內亂者三，以
存萬世規云爾。

張以忠曰：攷中記親征出塞者六，平內亂者三，以其
時攷之。高皇百戰而有天下，其戰苦濱危
久而後決者，惟鄱陽之役然。手闢宇宙，夷險
芟荒，縱蒙矢石，冒霧露，亦其勢不得不然。易
世而後如章皇之征藻、毅皇之征寧，此
必不得已而不已者也。文皇之六飛四駕，

則可已而若不得已者也 睿皇之土木
毅皇之應州則可已而不得已者也皇輿一動
而宗社安危生靈休戚係焉可見苟無大釁
則遣將命師專閫外以授之足矣奈何以不
貲之軀嘗試而賈莫測之禍哉深維往事後
王當爲永鑑云

謚之爲言引也引烈行之跡也所以進勸成德使上務節也

惟周公旦太公望開嗣王

業建功于牧

野終將塋乃

制謚遂叙謚

法謚者行之

迹號者功之

表車服者位

之章也是以

大行受大名

細行受細名

行出于已名

古今謚法通紀序

夫謚者所以尊名也。人主有號焉。有謚焉。春秋題辭曰。號者功之表也。謚者行之跡也。是故號有媿而行有慝。夫謚者春秋義也。一字褒而華袞一字貶而鈇鉞。孟氏有言。雖孝子慈孫百世不能改也。且謚有媿。慝同辭者。靈武共莊之類也。故曰春秋義也。皇之爲太昊庖羲氏也。炎帝神農氏也。號也。黃帝之爲黃也。帝堯之爲堯。與帝舜之爲舜也。謚也。皆易世而後追隆之者也。人主之有謚。自黃帝昉也。夏忠而弗舉矣。獨有大禹商質而弗備矣。獨有成湯後世之有二謚。

生于人謚者行之跡也所以別于後代著善惡垂無窮

天子崩臣下至南郊謚之者以爲人臣之義莫不欲褒大其君掩惡揚善者也故之南郊明不得欺天也

也自成湯昉也商之諸帝以甲乙氏抑何質也然武丁之有武也而又加之以宗曰高與大戊之爲中宗也以表功德也人主之有廟號自中高昉也西漢之爲宗也僅文武宣元焉東漢而皆宗矣人主之靡不廟號自東漢昉也癸之爲桀也辛之爲紂也易世而後追貶之也周之有幽有厲也其臣子不得已而施之所謂至南郊稱天以謚也秦皇帝制詔天下毋以臣議君子議父自始以至千世萬世焉然不三世而宗社墟矣夫幽厲之不得易與秦之不得廢皆理也湯滅桀國自謂曰曰予甚武蓋天下稱武王焉楚有

惟附庸無諡
故無諡

義帝因之矣。人主之有尊號也。自湯爲武王。昉也。周
追王王季而不爲諡也。漢因之。身不享天下而冒君
諡。自魏曹氏昉也。周法卿大夫有爵。故有諡。士無爵
故無諡。吳越之不君諡也。夷道也。秦楚之不臣諡也。
未純華也。齊晉衛之諡也。自卿止矣。大夫而下無諡。
何居。班於天子之士也。魯之諡及大夫矣。何居。爲其
爲周公後也。用王禮也。鄭之不臣諡也。伯國也。宋公
國也。其不臣諡何居。我未之前聞也。戰國之君驟而
廢人臣之諡。而天下同之矣。然歟。無諡。生有號。如武
信文。信武。安剛。成之類是也。媚生而薄死也。後世之

卿大夫妻無謚其爲公之妾則無謚

按天子太子元士也諸侯世子尚不得比元士謚所以不及

封爵不以地而以德自戰國昉也西漢之有謚也緣爵者也東漢亦緣爵者也然而加愼焉故西漢之嗣侯無弗謚也東漢卽創侯有弗謚也晉渡江而後詔公卿無爵而賢者亦予之謚無爵而謚自晉昉也白虎通曰夫人無謚者何無爵故無謚也然而春秋傳蔡共姬其謚何賢也不知夫周穆王之盛哀淑人先之矣婦人之有謚自周穆王昉也太子元士也士無謚是以太子無謚晉惠公之改葬世子申生也而謚之共後世因之太子之有謚自晉申生昉也人臣而有三謚者衛之於公叔貞惠文子也明因之以再

二子之有謚
則以有後于
國故

官者方技而
謚則尤濫

韻調法度婉
宕勁古

及方士矣。生而預賜之謚。衛侯之於北宮貞子。析朱
成子也。二法皆衛敝也。處士之有謚。自苻秦之於張
忠公。公孫永昉也。其有私謚也。則自春秋黔婁昉也。
春秋出奔而仕它國者有謚。如臧武仲。中行文子之
類是也。崔杼之爲武也。樂盈之爲懷也。身慘矣。而族
又滅。何居。豈其故臣而追謚之。抑左氏撰也。宦者之
有謚。自北魏昉也。方技之有謚。亦自北魏昉也。公卿
大夫。祖父之有謚。自元昉也。王世貞曰。余奚忍言哉。
余奚忍言哉。謚至元而濫極矣。是謂以虜鄴飾漢藻。
且其人也。冠履之不卹。而焉用文爲。所尊何名。跡何

自漢以還其
君若臣之謚
名與實稱抑
寡矣其在今
日濫觴可知

行哉。明興始稍稍爲畫一之制。自皇帝后太子而
下。凡親王一謚。郡王公侯伯文武臣二謚。親郡王而
非謚。終無弗謚也。郡王之支子而將軍而中尉卽賢
弗謚也。創胙之公侯伯而非謚。終無弗謚也。其嗣公
侯伯而非賢。與文武三品而上。非賢弗謚也。三品而
下。非大賢弗謚也。不亦彬彬稱質文哉。然而所以一
惠之旨。亦日渝矣。余故備述其人與事。辭凡若干卷。
而爲之叙。庶後之司國是者有攷焉。

張以忠曰。國朝易名之典制。雖畫一賢否混淆實多。
冒濫此文。蓋隘慮焉。淵博高古絕代史才。

山西鄉試錄後序

試錄序出名
手多矣體裁
手格畢竟此
文第一
識想議論冠
冕深博

格作既精而
想路尤極名
確

隆慶之四年庚午。試錄成而某以職事序於後。曰傳
有之。庚位西方。象秋時。萬物庚庚。有實也。午於日爲
正中。於數五陰陽在天地間。交午也。昔人謂堯舜禹
之生。寔在午。當天下文明之會。故一時賢聖出而交
輔之。天不愛道。圖書顯矣。蓋五臣之職。修而萬世之
彝政。禮樂秩如也。今歲在庚午。晉以西庚分也。物庚
庚有實矣。更西而蒲坂。平陽安邑。堯舜禹所都也。稍
西南而水滙之。滎河溫洛也。圖書所由顯矣。
天子乘午運。沛然欲章明其治。思與天下之賢士大

石法

叙致婉折更
自雍雅

夫共之。詔郡邑各益其貢士之一齒。太學已采國
子祭酒言。益兩都解額各十五。海內談經游藝之士。
孰不欲濯劇其肺腑。自顯見其長。以答人主鼓舞
至意。又况山西爲堯舜禹所故都。獨當文明之會者。
哉。不佞謏且陋。不足與於斯文。竊念以一較官應御
史聘而來。獲縱觀山河表裏之盛。與嚮所稱帝王之
跡。旣不勝其嘉樂。稍間入棘。復獲觀百執事兢業飭
比。所以仰塞上德意者。至隆且備。則又懷然而興。
不成寢懼。無以稱也。稍間。乃獲觀諸儒生之業。咸彬
彬裁文質。不悖於道。其陳古誼。決筴利害。懇晰中窾。

整鍊高雅

賡理圖密

前段是說此
復逆宕

則又快然踴躍自勞慰不知其憊也夫訓經而發其
者之謂義辨志而當於理之謂論標情而達於上之
謂表決法而傳於經之謂判陳見而宜於用之謂策
此五者不失一焉此於物正所謂庚庚有實者令舍
此而獵聲耦飾采澤闢工畢精於棘猴之末而謂之
文卽南戒之南有之吾無所取爾也夫耳觀者不唯
其實而泥於山川之險塞則意其深思而儉陋讀柳
先生之問所稱大鹵之金屈產之乘北山之材猗氏
之鹽則意其秀不鍾於人而鍾於物觀鴈門而北士
馬之雄盛則意其人多將此皆非熟於晉掌故者霍

數公光耀古今
借以獎進

大

進而求之古
之神聖議高
意密

宣成狄梁公之浴。日司馬文正之補天。裴晉公文潞
公之爲國柱石。不亦彪炳相業哉。太史公之於史也。
柳先生之於辭也。河汾仲淹之於訓述也。固其造人
人殊。要之可以言文矣。雖然不佞竊有進於此。諸士
子其益深。唯堯舜禹之傳。而稷契諸大臣之所見聞。
而知者乎。其務精一乃心。而求太上所立布而功。颺
而言庶幾爲。天子贊文明之治。則豈唯晉重不佞
亦與有光焉。

張以忠曰典實精鑿閎深神駿而格體局調卓練奇

雄大家手筆

策一

此策言北虜
可不備

北虜世為中國
患然未有
中國無可乘
之隙而虜致
萌越志者禦
戎之策盡亦
反其本矣

今天下北創虜南扼倭三尺童子至於白首之田畯
汲汲焉而日憂亂矣夫倭無足憂也犬戎嘗入周矣
而不能有也吐蕃嘗入唐矣而不能有也匈奴有晉
羯有晉鮮卑有晉氐有晉羌有晉索頭有晉此非匈
奴羯鮮卑氏羌索頭之能而晉之罪也遷其部落散
入中國而代熟之其飲食居處嗜好同矣氣候便矣
是謂以虜習中國金有宋元有宋此非金元氏之能
宋之罪而石晉氏之罪也石晉以幽州賂契丹其民
日夜安其教而便其長技金元用之以擣我固易易

不能以虜攻
虜使虜反得
以中國攻中
國故罪不在
彼在此

虜之不能遠
窺中國恃此
然非本計也

也是謂以中國習虜是故善爲中國者以虜攻虜而後全制虜也善爲虜者以中國攻中國而後全制中國也今虜則不然其酋長志在標掠足衣食稱雄沙漠間而已其部衆甘膾腥暖毳幕喜好射獵擁婦女走馬馳角而已其畏城郭也猶伏機之戢然畏暑濕疾也猶之蹈湯火然其不便衣冠揖讓名法也猶招之笠而繩繼之也是故倏而入也亦倏而出也不能留也非有所沮卻勢不可也庚戌之變虜直躡三輔門閭闔軍焉而我不能發一矢抗之更十日下矣虜趣掠而趣去不顧也何者以非其志也所以非其志

虜既擾我邊
垂而中國又
撓我心腹誠
不可不深寘
慮

此俱我中國
要領奈何不
思患而預爲
之防

若何也。以非所素習也。然則虜誠不足憂乎。曰。有之。其爲中國倡也。我竭天下之兵。以北遏虜。南遏倭。又竭天下之財。以供南北兵。而卒不得要領。而我坐困矣。燕趙秦晉齊魯周楚之郊。其爲使結納亡命。習射騎。陸博。報仇者。不可紀也。鑄山煮海。夜出而晨歸者。不可紀也。習妖書爲妖服。以妄希富貴者。不可紀也。一旦而有豪喜亂者。倡之不旬月。而數十萬人可立。受事於麾下。鼓行而前。誰爲堅者。指淮漕則天下之喉咽塞。指中鄴則天下之耳目驚。指陪京則天下之根本搖。指汴洛則天下之矛鋌集。我欲抽北兵而虜

隱然憂盛危
明之言

控○搗○我○我○欲○抽○南○兵○而○倭○扼○掣○我○我○欲○悉○發○諸○夷○而○
諸○夷○翫○狃○我○於○乎○何○以○策○之○哉○昔○者○阿○房○成○而○漢○高○
帝○觀○之○歎○曰○大○丈○夫○當○如○此○及○東○游○會○稽○項○藉○曰○彼○
可○取○而○代○也○彼○二○雄○者○其○目○固○已○無○秦○矣○魏○羽○林○燒○
張○彝○第○殺○其○父○子○而○帝○不○問○高○歡○歎○曰○事○可○知○矣○歸○
散○貲○結○豪○傑○走○事○爾○朱○竟○以○代○魏○夫○以○天○下○全○盛○之○
勢○而○舉○事○一○不○當○而○豪○傑○得○以○窺○其○間○吁○可○畏○哉○
張○以○忠○曰○本○朝○與○虜○互○市○歲○久○而○虜○習○我○中○國○故○一○

旦○東○虜○敢○窺○我○遼○左○而○莫○之○能○禦○今○遼○左○
數○千○里○地○悉○爲○虜○有○中○國○蓋○又○習○虜○矣○安○

知虜無心于憐我乎賴今際天子睿聖
文武盛治無外庶蕩平醜類恢復故疆日
可俟焉不然虜患豈獨在爲中國倡哉又
豈特北虜能爲中國患哉當國事者無
徒袖手旁觀而深計之則天下國家之福
也

古今文系

卷十六

五

策二

此策言國家
守禦折衝惟
在強兵然而
兵之不强繇
于素不習練
故養兵雖多
能戰無幾往
往聚數十百
萬而一旦有
警竟不獲其
用此天下最
大患也
歷觀前代國
之盛衰由于
兵之強弱識
論名雖斷不
可朽

甚哉周之自弱其兵也。大司馬之法。其所以制軍師。旅卒伍。至要而有紀。其振發治閱于肆時。而施之蒐苗獮狩者。甚詳而不煩。日閑而不廢。獨具諸侯四夷之役。往往使其方伯連率任之。而王卒不輕發也。夫兵未有不戰而自精者也。終春秋之世。而王師之行以勝告者。不一二也。至於戰國。而周僅以塞言。彌縫於天下。實不能當諸侯之一巖邑裨師也。此不戰之罪也。秦以日戰而兵日精。楚趙計不勝秦耳。南畝滇北。殲胡若破節而拉朽然。無他戰故也。不戰則以

今天下有富強之名無富強之實所以東虜一叛黔蜀繼之兵與餉匱急而莫可措手今○天子明聖挽之全盛日可俟矣

文帝之治天下之富饒而匈奴一入烽甘泉而赭北地戰則以武帝之不治天下之耗虛而力遏匈奴之勁又用其餘下閩下南粵下牂柯夜郎下太宛百試而鏑不折故武帝之疆也用文之餘富也而宣元之降匈奴也○之○之餘疆也○昔宋之有靖康也○金寔草芥我而○之○數十萬之師夜一鼓而旦絕馬跡矣及其季也天下齧其什八而韓岳鎬俊之徒收餘燼一再角而折其鋒此之所恃以一再角而折其鋒者固剗剗之不盡者也○今夫士平居投石超距趯踟跡射力扼虎豹○然而聞金鼓之聲未有不色動者○矢刃

今之大教場
振練循故事
而已孰與啓
其弊淬其勇
哉
觀此則唐制
府兵之善所
以百代可法

但練習有精
不精焉怯勿
論也

交於前。未有不股栗者。何者。以非素習也。有恟恟於
杯酒。而侃侃於行陣者。則習之也。勇公戰。怯私聞。豈
獨秦民性然哉。作之公。則公作之。私則私耳。余所言
作者。未敢及也。今國家之患。莫大於聚天下不戰之
兵於京師。而竭天下之資以奉之。而不得其絲忽之
用。庚戌事起。上赫然逮治。大司馬以下。更戎制。稽覈
尺籍矣。然而泄泄如故也。亡論其影避役占。名在而
實亡者。老弱市人。子不堪者。卽人人責育。怨馬厲刃。
亡益於用也。此非所以強兵之實也。今天下轉歲漕
四百萬石。以給京軍。計獨有汰京軍之半。留其勇壯。

古今文編
制勝之策無
過于此

者○時○蒐○習○之○以○示○強○幹○而○已○餘○漕○粟○之○半○可○悉○徵○其○
資○以○付○邊○人○之○能○戰○者○作○其○氣○而○鼓○舞○之○敵○未○有○不○
屈○者○也○夫○汰○兵○而○兵○彊○益○兵○而○兵○弱○此○精○之○說○也○不○
戰○則○積○強○以○爲○弱○戰○則○轉○弱○以○爲○彊○此○戰○之○說○也○汰○
其○必○不○戰○者○而○厚○用○其○戰○者○可○也○

張以忠曰兵非素練則必不强今未嘗不蒐習也然
而兵弱者何也武塲操練不過金鼓旗幟
進退坐作均之循習故事兵不習將將不
知兵一旦緩急其何能克濟憂世君子所
以惓惓不置也

策三

此言用兵之弊。歸于軍律不肅。在平日無訓練之方。當臨戰無敵愾之氣。欲其制勝域外。道無繇也。

激濁揚清。天子所以鼓舞豪傑。今有錢則用。無錢則

自庚戌始。而西北之兵。亡日不與虜戰。自壬子始。而東南之兵。亡日不與倭戰。兵日以戰。挫削日以繼。而卒不彊。此又何也。夫所謂戰者。非浪焉而迫之。使角也。兵日以戰。挫削日以繼。此所謂沒世而不復振者。敗軍之氣也。夫易進易退。不量敵而前。一中敵而靡爛者。東南之兵也。難進易退。敵寡而前。敵一多而縮匿者。西北之兵也。愚請先言西北之弊。今夫所謂將者。非必人見才而用之也。所謂統袴乳臭債帥者。日叅焉。率然而授之三千之卒。不習而責之戰。此以將

棄有錢則擢
無錢則擢文
曹且然何況
武臣

軍敗恆錄此

敗也。三千之卒，不必盡精。武庫之朽甲，雕戈，舁焉使
之食，半菽而禦。虜馬驅若風，搏若電。我之馬若仆
若偃，若蝟若蝟。匈奴之長技，十不得一矣。此以卒敗
也。三千人爲方陣，四面而受敵。虜爲大軍以擬我，而
雜出其騎，爲四面而更迭攻之。虜分而我分之，則內
亂。虜合而我合之，則不支。彼此不相援也。援則慮陣
動，而賊乘我。故以萬人軍焉，而不收萬人用也。以三
千人軍焉，而不收三千人用也。此以陣法敗也。退縮
逗遛者，斬軍律也。然元帥不敢輕用之於將，而將不
敢輕用之於卒。其極至於鞭而貫耳止矣。前有歿而

天啓問能廷
卿之冤天下
誦之然而大
臣之私憤則
洩矣相臣葉
向高陰主之
法司王紀周
應秋鄒元標
羅致之以若
將日三字定
其爰書卒以
罪戮嗚呼大
臣刑賞任意
如此其何以
服天下

言漢武帝
楊素無前五

後無死誰不後也將銳而以師損者誅懦而以師完者免損而無賄者誅損而有賄者免此以罰敗也將幸而掩敗以爲功者賞功微而賄巨者賞大臣有欲與恩者賞功大而無賄者不賞大臣有欲其心者不賞此以賞敗也於乎若之何其兵之彊也漢武帝不愛天下之食邑府藏以待天下之有功者賞不踰時罰不信宿得其人則付之以數萬人聽其損而不問恩者酬怨者報而不恤是以投響而意得事至而功隨聚也其次則莫若楊素素貴近人也嘗出戰簡留者三百人人畏敵多願留者素悉取三百人斬之更

簡留人人不願留矣。幕府上功簿。纖悉必錄。故將士畏素嚴而樂得其欲。其擊突厥也。爲騎陣以誘之。敵來奮擊而大勝。此五敗者無一也。如楊素者。可以戰者也。

張以忠曰。文臣愛錢。故武臣惜死。武臣惟恃賄結文臣。有罪倖逃。無功冒賞。朝廷勸懲倒置多矣。況庸將弱兵。鈍戈疲馬。而又素無訓習之方。鼓舞威嚴之術。以之當敵。不敗未之嘗聞。今日者。苟不有大創之。言恐虜無日靖。兵無日彌也。當國大臣。其熟圖之。

策五

和戎之策不
可盡非但當
論時與勢耳
不察強弱而
措置乖宜者
宋之往事其
鑒也

昔人云。薦紳則守和親。介冑則言征伐。此大較也。今
薦紳之所不察。以爲非。而介冑之所深然。而囁嚅不
敢出口者。莫要於和戎。而其名與便。莫善於市易。夫
魏絳之所陳。與韓安國嚴尤諸君子之所論辨。遠弗
備載矣。請以宋事明之。夫以太宗時言。則宋強而契
丹弱。然無日不尋於兵。中國之敗衄。以拾數焉。堅者
摧銳者折。至其甚。不能庇天子乘輿之幄。以真宗時
言。則宋弱而契丹強。然自澶淵一盟。而南北之君臣
與其民。日拱手相樂於無事。聘問之使不絕。而宋之

宋之屈于戎狄非戎狄之能屈中國也不量彼強弱之形而議戰議和均失其所據故削弱卑辱以迄于亡

所以中契丹而飽其欲者。不過一郡數邑之資而已。宋不察而仍其術。以待本我中國之元昊而歲賂之也。夫是以棄銀夏而重困中國。是謂以弱志處強勢。又不察而矯之。結女真而攻素所通好之契丹也。又不察而又矯之。結蒙古而攻素所通好之女直也。又不能事女直與蒙古。兵構而宋不社矣。是謂以強志處弱勢。然則宋之所謂失策者。不在於和而在和之不終。且厭棄武備也。夫用其和者。於其戰者。而國削。用其戰者。於和者。而國亡。其較亦可思已。今虜雖號強大。鬪騎多。然其志不過欲得衣幣。次乃金錢而已。

虜人中倘有
如元昊者出
焉恐非市易
所能歷也

祖宗創爲互
市一事較之
前代規制特
善

楊忠愍所以
痛言但彼時
事固不同耳

非必用尺一牘與中國講敵體也。非必欲冊尊號稱
兄弟結甥舅也。吾捐一郡數邑之稅而付之忠實之
邊吏。宣上命。徵賜其酋長以奇麗繒帛之服。有差而
約勒士民使與之互市不絕。夫棄無用之絲枲以易
有用之戰馬。此其利甚巨。互市出於下而天子不與
焉。此其體甚尊。可以弭寇。可以減戍。可以乘鄰而用
間。可以乘暇而修武。此其謀甚博。夫何憚於名而不
爲也。或曰辛壬之間。則有敗謀者用而辱國焉。如之
何其再也。曰。於是何言也。藥石一也。有用之生人者。
有用之殺人者。則非藥石之罪也。故議和出於富氏。

結明全篇主
意極其精醒

而治出於秦氏而亂議恢復出於岳氏而治出於韓氏而亂君子毋姑求之於其名以爲美而遽從之與爲不美而遽廢之求之於實可也

張以忠曰今之馬市疲馬耳雖出于下窀亦和議別名耳弭寇滅戍未之聞虜且得窺我虛實焉誤國之咎其必有當之者

又曰市易可愚虜不可制虜萬一戎心叵測撓我疆圉豈繪帛能繫其手足哉惟奮我武衛而以互市羈縻勿絕此爲綏懷善經爾

策七

我朝稽古睦宗鴻爵大封散布天下恩意隆給親王郡王將軍中尉以世序差迄于無窮皆食租衣稅勿干民事至于天子之臣貴重至太師丞相公侯不得與請分禮伏而拜謁此又崇隆之極者也

國家待宗室。自親王至中尉。凡八等。其支子歷八世。至於庶人而祿始絕。以明有富也。仁也。親王冠九旒。章服。下天子一等。郡王以次裁殺。即公侯大臣母得抗。以明有貴也。禮也。王國所屬長史衛校百千人而止耳。不得臣他吏民。干有司事。以示有節也。義也。蓋三善具焉。以故二百年來。王國鮮敗度棄禮以斬其社者。即卒不幸而間有吳淠之變。亦輒隨發而隨獲。其資不足以行。欲其勢不以酌。志故也。雖然。親王於常祿萬石。郡王二千石。鎮國將軍千石。以至於庶人。

自國初以來
世數已久天
潢宗派繁衍
日甚分封日
侈歲祿日益
而朝廷經賦
實自有限在
民間既不可
額外加徵而
祿俸又不從
數內節省更
數十年不知
何以區處
之也

亦百石。而他婚嫁居第資送導從之費不與焉。愚嘗
得宗正籍觀之。自嘉靖二十八年。而見存者一萬餘
人。今又十餘年矣。人益其半。而合之而當爲二萬人
也。又十餘年。而人益其半。而合之當爲四萬五千人
也。酌祿之中。人各得祿五百石。益萬人。是益五百萬
石粟也。天下有益祿而無增田。吾不知大司農何以
應之。是重敝民也。民貧且逃亡矣。宗室之人。所以仰
哺而待衣者。日孳孳焉。而卒莫與也。官又爲厲禁。俾
不得從農商之業。其賢者。又不得偕寒士從有司之
薦蒙虛名。而鮮實利。故至併室而雉經者。有之矣。易

伏讀聖祖
大訓凡郡王
子孫有文武
材能堪任用
者宗人府具
以名聞朝廷
考驗換校官
職其陞轉如
常選法三百
年來宗室未
聞有登仕籍
者至天啟元
年用科臣議
省會試俱加
額于是宗室
始有以科目
進身者

名姓而爲所不可爲者有之矣是重敝宗室也且以
天下之大北距狄南際蠻東夷而西戎之內卽窮巖
版築其人之負一才藝者靡不入而稱薦得官職至
舉天子三葉之懿親無罪而固之一城之內被之以
虛名而實之以庶人者何也此非所以明親親用賢
之道也所以勵翼庶官代天工必非宗室然後可則
是周不得周召畢散漢不得德向蒼虞晉不得孚攸
齊不得熒元魏不得勰周不得憲唐不得孝恭揆勉
而宋不得汝愚也夫薄待族以不足用而厚困民以
供之是壅闕主上之仁於尺寸之內而蔓害於萬里

宗室日就困
敝矣而議者
乃請減歲祿
限官勝且至
請限支子此
于天子親親
之道既虧于
國計虛盈之
寔又無當言
不知在廷之
臣果何見也

之外也。今號稱有司。當王國比近者。見宗室之如懸
罄。突無烟而衣露脛。則其勢不能復念民。見民之廢
著。鬻舍捐妻子。以供王國之祿。則其勢不能復念宗
室。二者交戰而技窮。而日爲之邇延。以冀代要在於
脫其身而已。上誠欲惇親親。不以吏事困之。則請姑
置其近者。請自將軍以上。少裁其祿數。而務實其惠
中尉以下。則請毋賜爵祿。而寬其禁。使其賢者得與
寒士角。長而受仕。其不肖者從事於南畝。以其力周
其身。而官弗與焉。庶乎其猶有支也。

張以忠曰。爲國家計。展親不附。會強榦弱枝之說。

策八

此文大意言
國家以制科
取士不列魁
科者必不得
峻秩而又文
武以分其局
內外以限其
格久暫以定
其資是以用
不盡才才不
盡展縱欲大
展布之而非
其素習蓋通
方之士抑又
鮮矣所以不
如漢制之爲
得然漢與明
官制繁簡詳

三代而後稱治者獨漢。然非其才之獨高也。所以用
才者簡易而無不盡。當是時天子所寄以其事者內
不過丞相太尉御史大夫九卿諸將軍。外不過守令
而已。卽舉守而言其獄訟軍興錢穀辟召賞罰靡不
悉推而付之。不以私人察也。不以文法牽也。第課其
治而爲之。殿最以行吾典耳。三公闕於九卿郡守取
選焉而不爲他曹以顯之也。九卿爲將軍矣。太尉爲
丞相矣。而不爲分途以限之也。獄吏而通經也。武弁
而習吏也。書生而閑武也。故漢之才有過盡而無不

畧疎密不同
世有升降又
不得拂時泥
古故欲融酌
其間而爲之
裁節然後士
無不盡之才
國家有用才
之寔而天下
事庶有濟也
則立言之旨
也

此法制之善
處

盡之累。國家於內。爲三公九卿。大約延倣古昔。而制於外。爲獨詳守之上。有監司以領之矣。而又有中丞以攝之。御史以察之。卽不得自論鬼薪以上。賦稅雖斗斛弗敢顯也。其內軍府得以治兵事。而不得與其權。兵部得以與其權。而不得治其事。其大小之相制也。若犬牙然。其頰首而聽於法也。若束縛然。故雖擁連城將百萬之衆。一赤衣吏以片紙詔而繫其項。弗敢動也。得意而今日爲公卿。以掌握國家之命。失意而明日爲髡鉗短後之衣。蹙蹙長安中。而弗敢怨也。可謂詳於弭亂而畧於求治者也。故巧如莽。戾如

此法制之未盡善處

今之大臣皆因循苟安沿習故事者也安得有天下國家之慮而建此議哉並是議論訐謏惜也徒耗之空言

卓雄如操不得而盡用其巧與戾與雄也聖如周呂不得而盡用其聖也無他法爲之束也今其制不可盡變獨有融酌於漢與明二者之間而稍爲之裁節而已論思贊輔之職則必遴夫作行之賢者而不必盡兩制之人新進之士備詞林者必使之補外以習吏州郡冗散之吏有異才者時召入以補其闕撫臣而監司守令非九載弗遷間爲之增秩賜金璽書以作其勞者秩滿而爲之峻擢以大報其賢者貪墨暴苛誅其甚者而斥其次者至於進取之塗毋顯科甲而廣其選毋限文武而通其用使詩書與案牘等矢

隱憂

比○而○無○低○昂○焉○而○後○人○人○自○奮○砥○礪○于○事○功○天○下○之○
才○不○偏○枯○而○後○盡○夫○高○皇○帝○百○折○而○得○天○下○今○
使○雕○虫○之○士○從○容○而○蠹○齧○之○而○不○爲○之○防○吁○可○慨○也○
張以忠曰其慮長其識老其議正真救時石畫也非
深維國是曉暢世務者未易得此

讀元史論

首篇言元夫天下而迄今不絕者唯不忘其故是以不與五胡諸虜一易世而輒茲此又言所以失天下之故在乎群盜四起而惟以招撫爲事草竊益甚而我明因以鐵夷之則元之所以縱盜者正所以啟明興也其在今日可勿以勝

疆言秦富言隋大言元蓋隻千古亡對焉及其亡也若符合而鑑照也勢成於土崩而盜發於蝟聚也自古帝王之興必有佐命之士與之相協以就勲亦必有亂命之士與之相角而不得遽就佐命之功天下能知之而亂命之功天下無能知之是故秦之有陳項武李諸氏也爲漢先驅者也隋之有楊李王竇蕭薛諸氏也爲唐先驅者也元之有張陳韓明諸氏也爲明先驅者也當勝國之全盛也欲以初起烏合之衆率然而與之抗是以羊餒虎也是故餌之以強有

國爲往鑒其武

名論杰然

氣脉沉古筆
力雄宕

力者摘而角之。彼勝而我乘其弊也。然而屢相扼者。彼雖未覩天命。所嚮至勤。力殘衆然。所以陰益不淺也。人主未見得天下之不易。則守成之道。或解多好。盈而務遠。大天下未見得人主之不易。則驚桀之氣。猶存多陰。覬而輕舉事。兩賢扼而不下也。才智出。識慮長。大命旣集之後。偃然而念休息。天下之民亦且瞿然而悔。兵革蕩滌穢志。上下兢兢以保治安。長爲漢爲唐爲明。而不復有翬斷鬬攘之患。則誰力也。王子曰。余讀元季喪亂事。益竊窺之焉。天之啓明深也。或曰。元事可得聞歟。曰。天之厭之。其大幾也。主驕而

蒙古色目人
於中國政事
不習言語不
通所憑藉者
猾吏耳嗚呼
長民者如此
不亡何待

群盜所以益
衆元亡所以
益速

綿意鑑勳

靡臣以諂濟貪其大綱也至所以召亂者有三一曰
志在囿中國而芻牧之以省臺院之長郡路之帥則
靡不濊肉酪侏儻左衽者焉暴而惟不習民與猾吏
耳通而治其齒人多矣夫安得不盜也二曰承平久
士見金鼓而股栗卽所將又多濊肉酪侏儻左衽公
子也夫以畏敵之兵而當不畏死之寇焉所取勝哉
三曰官旣不勝盜卽無柰盜何也招撫之說行而重
餌盜金帛之已又官爵之盜得盜之利而玩其主民
見盜之利而嗜爲盜偷安之徒幸盜之招以免責豪
傑之士憤盜之招以解體詩云殷鑒不遠在夏后之

世此之謂也

張以忠曰元時諸將欲擁兵固寵惟恐群盜之速平而
又力不足以平盜故有招撫之說招撫之說行而群盜愈多是以不旋踵而遂亡
此雖元之自取覆滅實天厭夷德啟我
皇明借之以驅除難耳此文識論甚正而
筆力高勁確然鉅手

青州兵備道題名記

叙事典而裁
峻而整龍門
昌黎可並轡
爭馳

極其詳核而
筆法精潔

青州故無兵備道。有之自獻牛鸞始。牛公始繇益都
令遷也。武皇帝中大盜彥名等以數萬騎臨濟上
三周華不注焉。東而躡淄澠之交。牛公從子弟亡命
力戰却之。於是奉璽書超按察僉事。治兵青州。屬
州邑十四。益以濟南之淄長萊新爲州邑大小十八。
又得以考功法課諸吏。論歿罪以下者。牛公治之久。
遷副使。最有聲。其後代牛公者。或以副使以僉事所
奉秩輕重有間。其於兵備職自如。卽稱使可十餘人。
專以彈壓盜賊。然盜後先亦十餘發。發輒與使相低。

極言青之難治所以見使臣盡職之難

十麟贈序暴子第無賴少年不采金于山即煮鹽于海輕杆厲第

內交亡命仇家不解白刃以視與其遺

于法也不如聽于豪

美調

昂而期。甚至以跳梁聞。上勞白虎節。則安用是使。

為也。說者言青於郡國最號難治。都會之間。其民不

辨穀麥本。而務以鮮衣怒馬相勝。鳴瑟粘屣。陸博蹋

鞠如季子之稱齊哉。即野負山鑄山。負海煮海。大豪

驚然。拔中猾佐而驅使民。威重於使。且謂使孰於我

大也。民之聽豪也。便於聽使。然俗又好任俠。慨不快

意。以軀借交。報仇藏命。作姦剽攻。禦寇鑄錢掘塚。固

人人少年翁伯也。使者業以柱後惠文彈治之。固當

無擾獄市一言耳。雖陽平侯胡以得化。諸能為齊言。

者古之人奉寬寬理。奉嚴嚴辦。是數君子寧盡不古。

監司之職衆
務填委下則
守令上則中
丞侍御兵刑
錢穀無所不
攝最號煩劇
禍厥寔難

若也。漢世守得以一切便宜破法錢穀兵甲從意調
興所論。歿朝上夕報可甚。或立決乃上。今雖謬稱貴
重於守。禁網叢密。蝟察虎視。一不相中。文法吏得以
其職伺之。其他干陬察淵。蟠腹版築。中丞之辟司徒
銳司徒耳。奉牘而讞。頻首聽裁。侍御之廷尉史耳。舉
誦觸隅。勅若籠鳥。乃欲一區區下筴。偃然蹻跖之上。
責漢治明法。不亦大相縣左哉。雖然。賢者不以小廢志。智
者不以困廢才。因事而就功。趣時而見長。則數君子
者。誠饒爲之也。世貞旣待罪三載。乃得以燕從諸父
老。及薦紳先生。質所難。諸父老薦紳先生。間以數君子

古今文錄 卷二
政稱者。其姓氏或闕焉。用是大懼。采而勒諸石。爲之
記。使有存耳。至所謂某也。賢某也。否。一字袞鉞。史氏
職也。卽世貞焉。敢以不肖身。辱數君子後。而易言之
哉。

張以忠曰。簡核莊雅。確然史筆。

又曰。獨美牛公。可見嗣後十餘人。無能稱使職
者。雖不著其賢否。而袞鉞凜然。

宗臣登平遠臺記

古來作記惟
子柳永叔為
千秋絕調後
來再無按武
者子相此記
直堪與之競
與
讀此文知子
相胸中萬卷
淘鍊極矣
柳揚處意調
俱妙

平遠臺在省城中東南間三山。此卽所謂鰲峰山也。山故奇在城中尤奇。宗子入閩十朔未登也。蓋以戎故而客有好宗子者乃召宗子登焉。凡幾折始上。又折而東登鰲石亭。天風高揚萬象蕭瑟。宗子於是仰而思已俯而嘆也。客曰大夫何嘆。宗子曰嗟客乎客聞其說余恐客之投觴于地而莫余飲也。夫閩者豈非記所稱東南巨麗哉。家纓弁人詩禮農嬉于疇而商歌于塗也。當是時而登厥臺焉。高山大川游雲芳草罔弗觸吾目也。則罔弗快吾心也。今何時也。吾見

慷慨歔歔四望俯仰

此正上憂主
憂下憂民憂
雖登高憑眺
而神情紫結
隱慮更長

婉痛

若游官者人
人懷此心軸
主惠民不復
難矣吾願謀
人國者共勗
之

茲臺三駐軍矣客亦東眺大海乎樓船組練隱隱起也南睇於江故里婦日濯錦絮其中者今健兒飲馬矣西瞻烏石蓋有鍛甲礪刃鼓笳鐃吹之聲焉北闕間井則父老子弟被戎執戈者怨譟盈道也且千里之內亡者未葬瘡者未起流者未歸繫者未釋吾念之吾不知汗之淫淫至於踵也昔何以驩今何以悲昔何以靖今何以擾斯其故難言哉夫君子之謀人國也上憂主憂而下憂民憂者也今帝心常在萬里而民瘼充充之在吾前也方請纓枕戈不暇整沐矣客乃欲吾觀高山大川游雲芳草而嬉乎此吾所爲

昔何取之易
今何守之難

為臣子膺朝
廷命而封疆
不靖其咎安
在

嘆也。昔元臣據閩之險以抗我旅。皇帝乃命樓船將軍從大海徑搗其穴空之。帝謨烜赫日月同炳也。乃今策事之臣顧不能設一奇制敵而醜夷往往載海闕我此視。皇祖諸臣如何哉。吾嘆之實愧之也。客於是起辭曰。吾不能解大夫之嘆而大夫又安能飲吾之酒。請大夫為客記之以後世之登斯臺者毋徒嬉此高山大川游雲芳草而忘厥民憂也。宗子於是采客之言以為之記。

張以忠曰。一登山也不以游觀眺望為可娛而深以國恤民瘼為可憂。徬徨顚仰黯然神傷是

極有闡涉之作

又曰氣格高鍊神簡縝密而復有疏越宕漾之
致廻翔轉頓自成絕調

宏志論

公督學閩中
與諸生總約

八條此其一

也

此文筆力高

古法律嚴峻

是大家手筆

歷以古之聖

賢期之

夫功崇惟志。昔談尚之矣。蓋志之於人也。辟之於木。則根焉。辟之於田。則穀焉。辟之於射。則的焉。蓋一時立之。而一世成之者也。故天下未有不志而成者也。孔子尼山之布衣也。而其言曰。老者安之。朋友信之。少者懷之。何其大也。伊尹有莘之耕氓也。而其心曰。匹夫匹婦。有不被堯舜之澤者。若已推而納之溝中。也。何其偉也。禹稷唐虞之羣工也。而其心曰。天下有溺者。繇已溺之也。天下有飢者。繇已飢之也。何其急也。且尚父以漁釣興周。傳說以版築隆商。管仲以檻

士不能求志
窮時而一旦
富貴欲有爲
于天下果何
所憑藉耶

此數者正吾
志實際參求
處

天下國家之
事盡于此

車匡齊孔明以躬耕佐漢數公者拔之萬人之下置之萬人之上而崇功令名遂爾顯著者非一朝一夕之故也彼其初固嘗志之也今夫觀之家而或臧獲餒凍則必立謀所以起之天下之人之顛連而莫之告也亦何以異於家也今夫人之一身而或手足沴結則必立謀所以蘇之天下之人之危苦充充吾目也亦何以異於身也主德何以宣之民故何以達之外患何以弭之內瘼何以瘳之國賦何以充之戎備何以飭之天時何以若之地利何以闢之凡此皆經緯其宜整齊其緒而需用焉固以治吾之家而理吾

！言數聖人
之心若彼而
吾獨卑焉窮
焉隘焉功崇
惟志之謂何

古今來腐儒
誤天下國家
不小

之身也。故曰：天下一家。中國一人者，非意之也。彼其
竭一心之知慮，而萃之於繁華利達，是自卑其志者
也。白首佔畢，而斤斤然自附於古之儒者之流，是自
窮其志者也。溺神握管，畢志抽詞，而徒以華言亮語
誇天下後世之耳目，是自隘其志者也。嗟乎！天之與
人，以才也將責之以天下國家之任也。吾之志而僅
以三者卑焉窮焉隘焉，其如天下國家何哉？諸生誠
有天下國家之志，而日講之，庶不稱腐儒，且治天下
亦安用腐儒爲也。

張以忠曰：識論宏濶，古色淵蒼。



郭子章都論

易稱王公設險以守其國
左氏傳司馬
侯又曰恃險
為始蓋古者
建都立國未
嘗不規險要
但所持以守
終膠固則惟
德是務不徒
幸乎地利也
歷代以來有
負險而亡未
聞失德而存
者大易之旨
不過謂山川
關阻城郭溝
池誠有國者

古今論形勝之都。曰秦曰洛。而洛不如秦。則自漢以
來言之。婁敬說漢高曰。洛陽天下之中。有德易以興。
無德易以亡。秦地披山帶河。四塞以為固。案秦之故。
此揜天下之吭。而拊其背也。張良曰。洛陽四面受敵。
非用武之國。關中左殽函。右隴蜀。阻三面而易守。敬
說是。漢竟都關中。二百年。而王莽篡。宋藝祖欲都長
安。晉王諫曰。在德不在險。藝祖曰。吾將西遷者。欲據
山河之勝。而去冗兵。都汴。不出百年。天下民力殫矣。
宋竟都汴。百五十年。而徽欽虜議者。謂洛不如秦。似

固圉之策而
祈天永命是
不係此今
天子鼎宅北
平控撫無外
不膏奉山而
四維之但策
虜內逼京師
之藩垣當固
咽喉或阻東
南之漕運可
虞所謂本之
以德布之以
政綿曆數于
獨永較秦洛
而更雄者當
事者可無深
揆而亟慮之
乎篇末數言
箴規切至

矣。顧辟雍之詩曰。考卜維王。宅是鎬京。維龜正之。武
王成之。則周之都鎬卜也。周書曰。我卜河朔黎水。我
乃卜澗水東。灋水西。惟洛食。我又卜灋水東。亦惟洛
食。則周之都洛亦卜也。惟周卜鎬西東南北無思不
服矣。而復卷卷營洛者。豈知其子孫必將東耶。鎬距
秦咫尺。當其時。胡不卜秦而卜洛耶。舍秦營洛。周公未
爲無見。不徒專恃其德已也。周曆八百。都洛五百。豈
洛之王氣。加于鎬秦耶。微獨周也。都秦者。西漢二百
餘年。唐二百八十年。秦隋俱二世亡。其長短之數可
睹已。都洛者。東漢百九十五年。魏晉百年。唐未徙洛。

主事蕭儀諫
都北京不便
言太激
上
震怒加以極
刑

至宋靖康在汴洛間二百二十年。拓跋完顏又百年。
其長短之數又可睹已。則洛何以不如秦哉。夫秦天
下之首也。洛天下之腹也。首之爲體尊。而腹之受大。
其可以都一也。明興定都金陵。似若循六朝之舊。
洪武初營汴爲北京。則亦周公意也。末年東宮營秦
則亦婁敬張良藝祖意也。而卒不果。豈天將以待燕
耶。成祖之營燕也。當時臺諫交口不便。主事蕭儀
言之尤峻。豈不以燕爲金元故都。非中原之都乎。豈
不以金祚僅百年。元祚不盈百年。非宜都乎。蓋未識
上意所屬也。成祖曰。北平之遷。吾與大臣密計數

燕京左控遼
海後枕醫閭
三關虎踞九
邊繩貫固將
峻華夷之限
陋周秦之都

月而後行。今其所審計者。卽不得聞以愚度之。其說
有四。燕非金元始也。周爲召公封國。繇召公傳丹喜。
歷四十三世。九百餘年。眎周歷且過之。宜遷一古享。
國長久者。靡不遷都。商始亳。遷耿。遷相。周始鎬。遷洛。
漢唐始秦。遷洛。宋始汴。遷杭。然皆迫于兵戈。旣于戎
狄。不得已而後去。故靖難之後。因而遷徙。亦以爲子
孫長久計耳。宜遷二。西漢起漢中。都秦。東漢起南陽。
都洛。唐起太原。都秦。宋起宋州。都汴。元起開平。都燕。
明太祖起鳳陽。都吳。成祖曰。吾起燕。都燕耳。宜遷。
三。天下之禍。莫烈于虜。吾令子孫自當之。庶幾四海。

豪傑輻輳都下足與虜角宜遷四成祖密計或不

出四者矣彼書生之見豈足達英雄之畧哉雖然狂

鹵隔一邊垣正統已巳之變嘉靖庚戌之突可鑒也

深慮忠謀爲人臣子奈何泄泄

漕河僅衣一帶水元人海運之制脫脫水田之議當

講也果兵足以制虜食足以自固則太行易水之間

結法深有雄力

卽國家億萬禩無疆之宅也又何必問秦洛之雄

弱哉

張以忠日照應關絡有結構有血脉而筆法亦整潔

蒼勁

又口虜患江漕兵食大計翼贊宸猷裨益國是

湯賓尹 皇明開天玉律序

古今人主承
有不監乎祖
宗成訓而克
臻治平者況
我皇祖神
聖文武度越
百王垂訓後
世至深且悉
真泮洋聖謨
富率由無替
者其在聖子
神孫佳是盛
儀圖維永遵
勿敷則治安
之福可幾而
祈天永命之
本任是矣此
文詞意深警

臣賓尹少受詩書母讀下武有聲烈文我將諸篇竊
燉必諸歸其先嘏祐必薦諸廟古之人君未有敢忘
其祖者也夏五子作歌伊作訓周公作無逸古之人
臣精志牖主莫不各舉其祖宗之成訓相告以誠以
嘿動其率繇之思主臣合德作述重光夫是以享國
長久懿名顯號至於今不衰我太祖高皇帝肇
造區宇貽翼昆嗣聖謨洋洋具載訓錄諸籍昭
乎與日星並垂為憲萬世總督薊遼臣王象乾恭揭
其尤切今日者臚輯之為十三篇仍各附以論說

持論更正大
雅可獻納補
座

積漸弱久誠
害亦深

題其書曰 皇明開天玉律以 獻臣賓尹拜手稽
首莊誦而擊節此 哲胤之炯鑒而蓋臣之極思也
夫子之告其君也曰爲君難爲臣不易曰如知爲君
之難不幾乎一言而興邦君之難合創守言也知君
難之難顓指守成言也創業之主披榛蹈棘沐雨櫛
風所嘗困苦艱辛之狀茹不能自語而有不知者乎
繼世而後地勢別矣以 帝王之貴抱負神明順視
臣下必以爲莫予若今日叩 闡明且伐檻又明日
補牘率相顧不得效亦漸積使然臣敢謂臣下無芻
之見足塵 天聽母亦惟是今之叩闡而補牘者

名臣至論金
石可垂

言路多弊非
國之福然奏
牘日上不遇
周上行私後
縱有忠言何
以取信明主

開天聖人亦既豫有慮焉者矣。臣下細微可無念也。祖宗艱苦之業可無念乎。羣天下人言之疑而不足信固也。開天之主不足信乎。伏讀祖訓有曰：信心常出於忠厚，疑心必出於偏私。有天下者之於天下臣共，帝臣事皆國事，何私何偏之與。有臣竊窺夫言論之路，皇上愈付之不理，天下愈繁。甲乙互紛，左右各袒，固有以堅人主之不信矣。督臣深慮之曰：庶其衷於聖而動以成訓也。夫皇上之有疑於天下也，亦曰彼各顧其私人之自爲其身也，與各爲其子孫也，必甚精此亦私計也。開天之主自

爲君之難非
虛聖之主克
知實鮮

經之而自營之。又爲其子孫日夜營之。雖有密思。宜
無以踰精也。且太祖之身肩其難也。又萬倍。古今
得天下之主。生人以來之天下。俱得之中國人之手。
獨太祖得之於胡元。今以天下全盛之勢。防胡日
惴惴焉。不暇給。以此思難難可知也。督臣世篤忠貞
內心。王室外測虜深。維掃除之首事。得其危心。欲
與聖子神孫。世世共懷念之。羣天下微言顯言。累
歲月而不得者。呼在天之靈而希壹。馮式焉。斯
其忠忠奇摯。而思亦奇苦已。蓋臣有以窺督臣命書
之意也。律生於子子。爲氣母。獨周還於三百六十律。

一篇脉絡并
并秩秋整密
之中尤覺深
勁

之中而末嘗有間人主之心與日至之子一也皆陽
元也一念陽回事事修復子氣行而天常開萬年之
曆庶其在此故念念君父者生氣嘗存者也臣道也
念不忘天下者念不忘其祖者也君道也臣與督臣
敢以是共揚天子之休命

張以忠曰辭章組練聲調高朗血脉渾融而篇中闡

揚聖謨尤其醇至確是名筆

古今文類

卷六

一







